

Мокшэрзянь  
ВЛКСМ-нь обкомъ  
и Саранскань  
Горкомъ газет-  
ска  
Редакция адресс:  
Саранск, ул. Карла  
Маркса 9—Комсо-  
молонь вайгаль  
Газетать пикне  
ковс 60 трешник

# Комсомолонь ВАЙГЯЛЬ

23  
СЕНТЯБРЬСТА  
1935 КИЗОНЯ  
106 (207) №  
Лисенди омбоце ния кушти 12

## Пяшкодезь сьоронь максома заданиять

Рыбкинань вельсоветти эщи ниле колхознень эзда васендакига (сентябрь 15-це шинцы) сйда процентс пяшкодезе государствати сьоронь максома планонц Па икедовкань „Од веле“ колхозсь.

Велькор.

## ВЛКСМ-нь крайкомть аппаратонц одукс тиemanц колга

Куйбышевской ВКП(б)-нь крайкомть путфксонц сентябрь 10-це шистонза 1935-це кизоня

ВКП(б)-нь крайкомсь лувонцы, што ВЛКСМ-нь крайкомть аппаратоц нингя эсця ти работанц ВЛКСМ-нь ЦК-ть XI-це пленумонц решениянзон коряс:

а) ВЛКСМ-нь крайкомть аппаратоц лафчста содонтф комсомолонь районнай комитеттнень мархта, конань сюнеда, ВЛКСМ-нь крайкомтнень работасон одукс тиемац моли пяк валом;

б) ВЛКСМ-нь крайкомтнень аппаратоцна педапес апак укомплектовандакт (нингя аш 8 райкомонь секретарьхть, 4 политонафнемань отделонь заведующайхть, 8 пионеротделонь заведующайхть и 32 райкомонь инструкторхть);

в) ВЛКСМ-нь крайкомть отделонзон руководителенза эсь эрь шинь работасост апак содонт ВКП(б)-нь крайкомть отделонзон мархта и аф путнихть синь инголест комсомольскэй работать колга конкретнай кизефкст;

ВКП(б)-нь кой-кона райкомтне, сембода пяк Алексеевскэйсь Мелекесскэйсь, Болшечерниговскэйсь, М. Кандалинскэйсь, прокс аф сатомшкаста йотафнесазь эряфс мероприятиянень, конат лисендикхть Сталин ялгать указанинзон эзда комсомольскэй организациятнень од ломаттнень воспитаниясон китькска кизефкснень шири шарфтомасной колга. Сяка жа пинкть эзда ВЛКСМ-нь райкомтне аф лифнихть активность партиань райкомтнень инголи комсомольскэй работать колга кизефксонь путомати. Тянь сюнеда, ВКП(б)-нь райкомтнень ламосна калдывста содасазь комсомольскэй организациятнень и синь работасон действительнай состоянианц.

ВКП(б)-нь крайкомсь путнесы:

1. Мяргомс ВЛКСМ-нь крайкомти инь маластонь пинкть эзда тиемс оду комсомолонь крайкомть отделонзон и секторонзон работасон васенда кигя районнай комсомольскэй организациятнень мархта соткстт виш-коптеманц и теест практической лезксонь максомать китькска, сембеда пяк одс пуролтф и ич-козьдень райоттненьди.

2. Мяргомс ВЛКСМ-нь крайкомти сентябрь аф 15-це шидонза поздна аделамс ВЛКСМ-нь райкомтнень аппаратоцноукомплектованиясон ВКП(б)-нь ЦК-ть и ВЛКСМ-нь ЦК-ть мархта кемокстаф, од структурать коряс. ВЛКСМ-нь райкомтненди руководящй к-дрань кочкамась должен йотафневомс лична ВЛКСМ-нь крайкомть секретарензон и бюронь членонзон мархта.

3. Мяргомс ВКП(б)-нь крайкомть отделонзонды сйда ланоня путнемс ванондомс отделненень работасост кизефкст комсомольскэй работать колга, комсомолонь крайкомть отделонзон работасон колга кизефкст, ладямс сйда кеме сотис синь работасон мархта и максемс эрь шинь конкретнай лезкс ВЛКСМ-нь

крайкомть отделонзонды.

4. Мяргомс ВКП(б) нь горкопненди и райкопненди, марса ВЛКСМ-нь горкопненди и райкопненди мархта, коновь йотамс содамс работасон партиань члеттнень и кандидаттнень—комсомолецнень, конат заняфт партийнай, советскэй и профсоюзнай робатаса и кочкамс синь эздост группа, штоба мрдафтомс руководящай комсомольскэй работас.

5. Мяргомс ВКП(б) нь горкопненди и райкопненди комсомолонь райкопненди общай докладсон кулхондикшнema практикаста, конат тиендекшневольхть особай „торжественнай“ пингста, йотамс стама практикаста, што партиань райкопненди эса тиендевольхть обсуждения комсомольскэй работань конкретнай кизефксненди, кепотьксоньди: активть кочкаманц, кемокстаманц и работанц колга, комсомолецнень мархта партиань историять тонафнеманц колга, авань од ломаттнень йоткса работать колга, „комсомольскэй хозяйствать“ состоянианц колга, комсомолец - одиночкатненень мархта, комсомольскэй политшколаттненди пропагандистонь анокламать колга, физ-

культурать состоянианц колга, ВЛКСМ-нь райкомонь отделненень работасон колга, пионервожатайтненень работасон колга, средняй образованиянь школаттненень эса работать колга и ст. тов.

6. Районнай руководящай комсомольскэй активонь анокламти (ВЛКСМ-нь райкопненди секретарьхть, отделонь заведующайхть) эряви организовадамс Куйбышевскэй ВКСХШ-ть комсомольскэй отделениянц эса постояннай колма коновь курст 30 ломаненьди.

7. ВЛКСМ-нь райкомонь секретарьхненди и ВЛКСМ-нь крайкомонь руководящай работникненди тиемс заочнай школа, конань программац общеобразовательнай предметтнень эса должен улемс десятилеткань об'емса и партиань историяса и ленинизмаса — стама программань об'емса, конань кемекстазе ЦК-сь.

Мяргомс крайисполкомти сувафтомс школань расходтненень 1936-це кизонь бюджетти.

Мяргомс ВЛКСМ-нь крайкомти и крайОНО-ти максомс ВКП(б)-нь крайкомть бюронцы ваномс учебнай планцон и шко-

лань организовадама порядкас нон.

8. Мяргомс ВКП(б)-нь Крайкомть культпропонтцы, штоба максоль квалифицированной сатомшка преподавательхть ВЛКСМ-нь крайкомть бюронц членонзон тонафнемс, конат тонафнихть партиань историянц, ленинизмаса, политэкономияса, диалектической материализмаса и экономгеографияса.

9. 1935 кизонь октябрь—1936 кизонь апрель пингста йотафтомс сембе райоттненень эса колхознай комсортонь кемонь шинь пингень семинархть. ВКП(б)-нь райкомонь секретарьхненень лангс путомс обязанность, лично примамс участие семинархненень работасост.

10. Мяргомс ВКП(б)-нь Горкопненди и райкопненди марса ВЛКСМ-нь Горкопненди и райкопненди мархта анокламс мероприятия комсомольскэй документонь проверямти анокламать йотафтомс и „комсомольскэй хоз'зяйствать“ порядокс ладяманцы.

10. Мяргомс ВЛКСМ-нь Крайкомти марса ВКП(б)-нь Крайкомть промышленно-транспортнай отделонц мархта йотафтомс 1936 кизонь январьста ВЛКСМ-нь фабрично заводской комитетонь секретарен аноклама курст 50 ломаньца.

12. Мяргомс ВЛКСМ-нь Крайкомти марса ВКП(б)-нь Крайкомть школань отделонц мархта, 1935-1936 кизоттненень эзда йотафтомс ВЛКСМ-нь райкомонь пионеротделтненди заведующаень аноклама курст, а тяфта жа йотафтомс пионер отрядонди вожатаень аноклама районнай курст. Курснен йотафтомасон инкса расходтненень сувафтомс (включить) 1936 кизонь бюджетти.

13. Мяргомс ВЛКСМ-нь Крайкомти сйда цебарьгафтомс „Волжский комсомолец“ газетать руководстванц сян вельде, штоба - организовадакшнемс эрь шинь работа юнкорхненень мархта и сувафнемс инь цебарь юнкорхненень редакциять аппаратоцнза. Вийафтомс газетать сотксонц первичнай комсомольскэй организациятненень мархта, касфтомс юнкоровскэй сьорматненень мархта работать качестванц и сйда систематически печатлакшнемс газетаса внутрисюзной эряфонь кизефкст и стама кизефкст, конатненень мархта интересовандайхть од ломаттне.

14. Ковда меле кулхондомс ВЛКСМ-нь Крайкомть бюронц тя решениять пяшкодеманц колга.

ВКП(б) нь Крайкомть

секретарец А. Левин

## 48 кудазорхт сувасть колхозу

Рыбкино. Колхознень организационно хозяйственной ширесон кемокстамасон вельде массовой азондома работать цебарьста ладяманц вельде, Рыбкина велень трудяй башка эряйхне кармасть организоваднань колхозу сувама.

Аньшек сентябрь 1-це шиста сывомок и сентябрь 10-це шинц самс сувасть колхозу 48 кудазорхт, конатнен эзда 11 кудазорхне алаша мархтот.

Колхозу сувамасть моли.

Я Веселый.

## Аделаць сьоронь максомать

Краснослободск. Райононь колхозне марнек аделаць и цебарь ка-сьоронь максома плантть и пан-додзь МТС тнень работанкса сембе-чествань зернаса государствати натуроплатать.

## 16 стирень Ленинградста—Москуву ялга йотамась

Ленинградскэй Ногинонь лемса фабрикань 16 работница-стирень бригадась—Краснай крестонь члетт тийсть Ленинградста—Москуву ялга молема Молемасть йотафтовсь 21 шиста, конатнен эзда 16 шитне ходовойхть и 6 ваймосемань.



Снимкаса: молемань участницатнень стройсна финишса Москуса



## Кулось К. Э. Циолковский ялгась

ВКП(б)-нь ЦК-сь и СССР-нь СНК-сь глубокай прискорбия мархта пачфнесазь дирижаблестроениянь тевса наукань знаменитай деятельть Константин Эдуардович Циолковский ялгать—сентябрь 19-це шистонза 1935-це кизоня куломанц колга ВКП(б)-нь ЦК-сь, СССР-нь СНК-сь



### Наукань знаменитай деятельть творческой киц

Наукань заслуженнай деятельсь орденосецсь Константин Эдуардович Циолковский ялгась кулось Калугаса, сентябрь 19-це шистонза 22 частт 34 минут пингть.

Медицинский актть коряс азон-дови, што кулось желудкань рак урнать эзда, сердечнай деятельностти упадкань тиевомок.

Константин Эдуардович Циолковский ялгась шачсь 1857-це кизоня лесничень семьяса, Ижевск велеса, Спасской уездса, Рязанской губернияса. Перав шись, кона тиевсь йомластаниге скорлатина урмать сюнеда, —лишидондазе сонь школьной образованиянь получамань возможность эзда. Эсь образованиянц сон получазе самоучкай вельдя и 22 кизоса экстреннайста кирьдсь экзамен и получазе математикань тевть преподаванияшты учителень прават. 1880-це кизоня Константин Эдуардович ушепни преподавадондама Боро-нск ошса (Калужской губернияса) уезднай училищаса. Сембе эсь свободнай пингонц сон макссезе физикань и астрономиянь научнай опытонь работаненьди.

1885-це кизоста сявомок Циолковскаясь сембе виень путозь работай металлической управляемой аэростатонь проблемат разрешидондаманц лангса. Сонь ширьден-за тийф проектсь изь сав йотафтомс эряфс средствань аф сатомать сюнеда. Вейхса кемоньцекс кизоть ушедомок Константин Эдуардович йотси Калугав, коса вяти физикань преподавания, работай така обстановкаса начальствать

ширьде аф кельгомова мялень шарфтомать сюнеда.

Аф пьлес вачедоста эрямась, аф лезксонь и ширень кирьдемань аф максомась, изь синьде Констан-тин Эдуардовичень волянц и виенц. Сон сембе саяка нинге мольтцы эсь научнай работани.

Аньцек Октябрьской революциясь Циолковскаяй канць подлиннай признания. аньцек Советской власть пингста, получась сон действенной лезксоньцень идеанзон эряфс йотафтомаса.

1920-це кизоня, 40 кизода лама преподавательской деятельносттен-за меле, Константин Эдуардович кярмочни исключительнай научнай работати. Ушепцть издовадондак-шнema сонь трудонза, пуропневихть специальнай лабораторият опытонь тиеньдемс. Осавиахимть лезксонц вельдя, тиеви ценно-металлической кшнista дирижаблень оцю модель. Тяниень пингть „Дирижаблестройсь“ работай дирижаблень тие-мать лангса, разработаннай про-ектть коряс знаменитай ученайть руководстванц ала.

1932-це кизоня праздновандавсь Константин Эдуардович 75 кизонь эряма ащемань и 50 киза сонь научно-изобретательской деятель-ностец Правительством казезе Константин Эдуардович Циолков-ский ялгать Трудовой Краснай зна-мьянь ордена.

К. Э. Циолковскаяй куломаса советской странась юмафсь выдаю-щай, одареннай ученай, советской строительстваса активней участник, прекраснай общественник.

(ТАСС)

## Кеподемс сяда вяри комсомольской дисциплинать

Коммунистической партиясь и сонь славнай руководителец кель-гома Сталин ялгась шарфнихть пяк оцю мяль минь Советской Союзонь од ломаттнень воспитанияснон и синь мархтост руководствать ланкс. Од ломаттнень, и васендакига комсомолецнень эзда болгшеви-стский партиясь пашкочнесыне эсь ря-донзон. Но аф сатомшка пашкочне-вихть партиять путфксонза башка кой-кона комсомольской организа-циятнень мархта.

Мокшэрянь высшай коммуни-стической велень хозяйствань шко-ласа сембе тонафнихнень йоткса лувондови 150 ломань комсомолецт, конада башка ниньга 32 ломаньць комсомолецт и ВКП(б) члeит. Ком-сомольской организациясь кода нийсасть оцю и пяк ламоц комсо-молецнень политической содама шисновок сатомшка, пажалы рес-публикаста лия тяфтама организа-ция афка муви.

Но аф ваномок сембень тянь ланкс, тя организациясь ниньге тя пинькс ашезе тие одукс эсь рабо-танц ВЛКСМ-нь ЦК-ть XI-це пле-нумонц решениянзон коряс.

### Вишкоптемс массовой работать

Башка комсомолецнень мархта тя пинькс ВЛКСМ-нь комитетть, станя и ВКП(б)-нь парткомть ширь-деныга сатомшка работа аф йотаф-неви. Школаса пуроптфт кружокт, кода: литературный, драматической, автомобилень моторонь топафнема и ст. тов. конатнень эс комсомо-лецта таргаф пяк кржа.

ВЛКСМ-нь комитетть мархта нол-неви стенань газета, конац лисен-ди пяк шуроста. Да сонь эздонза афка муят цебарь лезкс массовой азондома работати, кода: аф ня-фневихть ударникне, калдыавста няфневи школать эряфай.

### Ладямс кеме дисциплина

Сембе нят вяря аф сатыкснень сюнеда комсомолецнень йоткса лафча дисциплинаське. Кепотьк-соньди: сентябрь 17-це шистонза ульсь марстонь комсомольской пу-ромкс, конац назначандафоль йо-тафтомс 5 частста илять, а сяс, мес комсомолецне тя пингти ашесть пуром, то пуромкссь ушедсь 6 частста. Да и танга саяка лама ком-сомолецт пуромксу ашесть сашен-да, кода Хромов, Баранов, (комсо-мольской отделенияста) и лият.

Комсомольской просвещениясь йотни материалонь апаж прорабо-

тандак, конспектгома, да и аф сембе комсомолецне сашендыхть тязонга (Железновсь, Рябовсь и лият).

Школаса пуроптфт физкультур-най коллектив: коза комсомолец-нень эзда кивок прянца аф няф-несы.

Ламоц комсомолецнень эзда 2-нь —3-нь кова аф паньнесазь членской взноснон, кода Шуткинась ашезь паньне взност 8 кофт и тянь азон-цы сян мархта, што теенза эрявсь рамсемс платяат, сяс ярмакоц ашезь ляпонда членской взноснонди

### Оцю мяль „комсо- мольской хозяйст- вати“

„Комсомольской х о з я й с т в а с ь “ тяфта жа веши эсь мельганза ке-места ваном, но ВКСХШ-са ли-сеньди меке ланкт. 182 ломань комсомолецнень эзда аньцек 127 ломантть улихть личнай карточка-на. Протоколхненьди и лия теф-неньди аш кодамовок шкафт, сяс комсоргине сембе протоколхнень и сембе тефнень каньнесазь порт-фельсотт, кирьнесазь эсь частнай квартираваст.

Башка комсомолецнень ширьде няеньдеви оцю халатность эсь „хозяйстваснон“ ланкс. Кепотьк-соньди: Талышкинць (8-це группань студент), Караблевась, юмафтозь комсомольской билетснон. А Ка-райкинаць сатсь советец нльня тоза, бельянзон муськомста кар-манцонза муськфтезе эсь комсо-мольской билетонц.

### Вишкоптемс классо- вай бдительности

Мелянь кизотнень эзда школаса ульсь контрреволюционный выс-тупленияй башка студенттнень ширьде (О-ипозонь, Малкинонь). Но тятденыга ниньге няфнихть пря-тя шири башка студентт (Ручийскаясь и лият).

Классовой бдительностть лафч-ста ащеманц сюнеда омбоце ки-зось школаса тонафни студентсь Аникинць (2 кизонь отд. 5-це груп-паса), конац эряй марса алянц мархта, а алянц тя пинькс ащи единоличникос и злостнайста аф паньнесыне государствати шумон-зон.

Сембе нят афсатыксне улихть машффт аньцекэста, мзярда кяр-моди тя тевти сембе комсомоль-ской активсь и кармай лездома ВЛКСМ-нь горкомсь.

Эряви кярмодемс тевти! Комсомолец.

### Ладямс добровольнай, организациятнень работаснон

Саранск. Мокшэрянь Педаго-гической техникумса пуроптфт лама добровольнай организацият, но синь здост тя пингс работайхть аньцек РОКК-нь и физкультурнай организациятне.

Физкультурнай коллективть ру-ководителец Атянин ялгась кемо-ста кундась физкультурнай кол-лективть работанц ладямонза, физ-культурнай коллективть ули сонь-цень бюроц, коза кочкафт техни-кумонь инь цебарь физкультурникне Бюроць председателец Атянин ял-гась эрь шине примай кизонь нор-мат ГТО-нь значоконьди, коса примсхть активнай участия кода стирьхне, станя и цьоратневок.

РОКК-нь организацияса, станя—жа тевсь аши аф калдыавста. РОКК-нь организациять руководи-телец Бондышева ялгась йотафтьс РОКК-нь пуромкс, коса, казенць ГСО-нь значокса, студентт конат

максозь сембе комплекснень ГСО-нь значекс, йотафтьс и лия работавок.

Но кда кизефтемс ОСО-нь ру-ководительть Молдаков ялгать, мезе сон тийсь ОСО-нь работаса? Мезевок аш, тя лисеньди сяс, што сон эсь ланксонза кодамовок ответ-ственность аф кирди работанц лангс ваны сур йоткованза. Сон тя пингс аф содасыне мзяра ОСО-нь организацияса членда.

Минь содасась, што ОСО-нь организациять пяк оцю значенияц, особенно тяниень пингть, мзярда минь лангозонк порихть пейхть империалистической акулатне.

Аф тяда цебарьста ащи тевсь СВБ-нь и МОПР-нь организацият-нень эсовок.

Педтехникумонь комсомольской организацияти и профкомти эряви варжактомс ня добровольнай орга-низациятнень лангс и сяда курок ладямс работать. А. Лимонов.



# Центральной Исполнительной Комитетт и СССР-нь Союзт Народной Комиссаронь Советт 12-1487 № Путкфссна

Пограничной полосатнень эс молемасть и тоса эрямать колга

Сянь инкса, штоба тиёмс сядя  
строгай порядка пограничной по-  
лосатнень эс молемасть и тоса  
эрямать колга—Центральной Ис-  
полнительной Комитетт и СССР-нь  
Союзт Народной Комиссаронь  
Советт путкфссна:

1). Пограничной полосань пре-  
делхненьди и запретной пограни-  
чной зонатненьди ся ломатнень  
молемасна, конат тоса прокс аф  
эряхть, СССР-нь НКВД-нь оргат-  
тнень разрешеньяфтома воспре-  
щандекшневиать.

Ломаттне, конат молихть погра-  
ничной полосав и запретной погра-  
ничной зонатненьди, должет  
получандамс эсь постояннай эря-  
ма вастсон эса разрешеньяф  
НКВД-нь оргаттнень эзда.

Приметафкс: Тя статьяс аф рас-  
пространядакшневи Черно-  
морской побережьянь курорт-  
най пунктненьди, коса йотаф-  
неви паспортнай система.

2). Запретной пограничной зо-  
натне, а стаян жа пограничной  
полосав келец полафтомац  
(9 ст. „а“ и „б“ п. п. Союзт  
государственной границанзон ва-  
номаснон колга положениясь —С  
З. 1928 к., №62 ст. 625)—тиень-  
деви СССР-нь Союзт Народной Ко-  
миссаронь Советт мархта.

3). Пограничной полосав и за-  
претной пограничной зонатнень эс  
сувамать колга правилатнень на-  
рушандамасна а именн: НКВД-нь  
оргаттнень разрешеньяфтома погра-  
ничной полосав и пограничной  
запретной зонатнень эс молемасть,  
лия ломаненьди разрешеньяф  
максомать, лия ломаненьди максф

разрешеньяф использовандаманц  
инкса, а стаян жа максф разреше-  
неньяф регистрационц эзда отка-  
зывать инкса—виновнайхне повон-  
дыхть ССР-нь Союзт Внутренней  
тевонь Комиссариатонц эса Озо-  
бай совещаниянь путкфст коряс  
лагерень заключенияс 1 кизоста  
сывомок 3 кизос молема.

Тяма жа ответственности по-  
вондыхть вельсоветонь председа-  
тельхне и предприятиянь, строи-  
кань комендаттне и лия должност-  
най ломаттне, конат мярьгонь-  
дихть эрямда синь кядьалост ащи  
кудтнень эса ломаттненьди, конат  
сувасть пограничной полосав или  
запретной зонав НКВД-нь оргатт-  
нень разрешеньяфтома или, ко-  
нат нарушандазь регистрационь  
правилатнень, конат установлен-  
найхть пограничной полосаса или  
запретной пограничной зонатнень  
эса эряхненьди.

4). 13 ст., йона кемохстаф Цен-  
тральной Исполнительной Коми-  
тетт и ССР-нь Союзт Народной  
Комиссаронь Советонц мархта  
1927 к. Июнь 15-це шистонза.  
ССР-нь Союзт государственной  
границанзон ваномаснон колга  
положениясь (С. З. СССР—1927 к.  
62 № ст 625 и 1929 к. 59 №, ст.  
547)—полафтома (отменить).

СССР-нь ЦИК-ть председателец  
М. Калинин.

СССР-нь СНК-ть председателец  
заместителец—В. Чубарь

СССР-нь ЦИК-ть секретарец  
Н. Акулов

Мо ку. Кремль  
17/VII-35 к.

## 24 процентт плантт эзда

Рыбкинань вельсоветт максфоль  
ярмаконь средствань пуроптома  
план 64474 цалковайхть. Вельсо-  
ветт калдывста работаманц сю-

неда тьяниень пинкть самс кочкаф  
аньцек 10465 цалковайхть, али  
планц пашкодф 24 процентс.  
В.

## Знатнай ломаттне молихть с'ездс

Кочкуровонь р.н. Районнай ор-  
ганизациятнень решенияснон коряс,  
колхозниконь-ударниконь Краевой  
с'ездт молихть нят колхозне, ко-  
нат занясть васеньце васть сорев-  
нованияс: „Эрзя“, „Од эрямо“,  
„13 год октябрь“, „12 лет октябрь“  
и „Коминтерн“.

„Эрзя“ колхозста (Напольнай  
Тавла) колхозниконь-ударниконь  
с'ездт делегатокс кочкаф В. Ра-  
даевась и колхозонь председа-  
тельс Миронов ялгась.

Вера Радаевась комсомолка 1931  
кизоста сывомок, ударниця, 1934 ки-  
зона тись 225 трудшит, 1935 ки-  
зона тись ни 200 трудшит. Сон  
2 кизот работай яровизаторшакс,  
ударнай работанкса ульсь кафксть  
казьф.

„Од эрямо“ колхозста (Н. Тур-  
даки) делегатокс кочкаф инь це-  
бярь бригадирс (полеводческой  
бригадань) С. Трошин ялгась; бри-  
гадиркс работай 1931 кизоста 3-сть  
казьф. Сонь бригадац сембе сьор-  
онь тьяматнень аделазень сен-  
тябрьт 10-це шини самс. Сен-  
тябрьт 10-це шини самс ускозе  
государствати модамарень задани-  
яц. Трошин ялгась оцю сатфкс  
сатсь 1935 кизоня эсь бригадасо-  
за сьоронь шачемать касфтоманц  
эсв, непотьксоньди, колхозт эзда

средняяста сьоронь шачемась розь-  
са—6,5 центнерхть гектарста, а  
сонь бригадасонза (участкасонза)—  
8 центнерх, тозерса средняяста—  
9,2 цент; а сонь—12,5 центнерхт и  
ст. тов.

„12 лет октябрь“ колхозста (Теп-  
ловкань вельсовет), с'езду кочкаф  
парторгс Теренин ялгась. Теренин  
ялгать руководстванц вельде лац  
лаляф массово—политической ра-  
ботась, колхозса сембе бригадатне  
и звенатне фатяфт соцсоревнова-  
нияс. Сонь колхозоц велень хозяй-  
ственной работань сембе видтнень  
колга ащи района инголи моли  
колхознень рядса.

„13 год октябрь“ колхозста де-  
легатокс кочказь рядовой колхоз-  
никть—ударникт Н. Текаревть, ко-  
нац тундань видекас прокс вельф  
пашкодкшнелхцень выработкань  
норманзон. Сьоронь урядама пингть  
работась самосброскаса. Задания-  
са максф 35 гектархнень вастс,  
сон пашкодкшнелх 4,5—5 гек-  
тархт. 1935 кизоня тийсь ни 369  
трудшит.

„Коминтерн“ колхозста делега-  
токс кучсеви инь цебярь колхоз-  
никсь—ударниксь Д. Мельниковсь.

Нят знатнай ломаттне достой-  
найхть улемс Краевой с'ездса!

Мизин.

## Эряфса эряф \*)

Васенце палккс

### В. Сон нинге беспризорнай

Котоце шись ни йота эрятама  
Саранскайса. Котоце шись якаф-  
тан эсь теवनень мархта. Женькать  
кадыне пцтай контролфтема.

И вон котоце шиня, обедшкада,  
тиине эсь теवनень и ласкконь  
Крюкофнень пали. Пачкоднень теат-  
рать малас и мезе няян!.. Театрать  
ваксса прокс фкя торговка ми-  
шендькшнелх мархть и шиньжар-  
мат. Сонь перьфканза пурочсь ко-  
тошка идть, конатнень йоткста  
васендакиге содайне Женькать.  
Мон шарьхкоднень, што нят мезе-  
вок йорайхть тиёмда торгофкать  
мархта. Лярдонь боконав и кар-  
мань ваномас, мезе ули сядя тов.

Женькась руководитель. Сон  
тошкась фкя цьоранань пилес и  
кежельсть торговкать шиньжарма  
мархта кептернянцты Васендакиге  
кизефтезе, мезе тии стаканц.  
Ашезь кенерь торговкась отвецамс.  
Женькась каржи пильгонц мархта  
кучкорьдесе шиньжарма мархта  
кептернянть, а видить мархта тэс-  
тяфтозе марь кяскавонц. Йэндолкс  
сембе идтьне вирьгядьсть марь-  
хненьди Фатясть, кие мзяра ке-  
нерьсь и тусть ласккозь.

Торговкась кармась ювадькшне  
мья.

— Кирьдиенътт!.. Кирьдиенътт!..  
Вай, тьянхтьте—аляньтте кулсель-  
хть!..

Мон йотань,—содайксса ашень  
тийхть. Шарфтонь ажыанень пен-  
зенский ульцыв. Ашень кечерь ся-  
вомс мяльс, мезе тиёмстятни Жень-  
кать мархта, неян ни лия картина:  
сяка жа „шайкась“ пензенский  
ульцыва васьфтьсть поп. Васенда  
синь потть мельге ювадькшнелхть!

— Потть ульсь пинец!.. Попсь  
сонь кельгезел!..

А мекпяли Женькась лихтьсь  
повстонза марь, нежедьсь потть  
фталонза и ярьхтезе прятти. Жень-  
кать мельге станежа тийсть иляды  
идтьневок!..

Вон та картинатнень мон уш  
йофси ашине ученда! Кяжые  
Женькать лангс сасьть пяк. Молян  
и думандан: „кодама наказания те  
енза тьянка максомс?“..

Потть ярьхтемда меле Женькась  
приметамань мон и ту в ласккозь  
квартиразнок.

Сувань Крюкофнень пали и фкя-  
вок валонь апак аст веляф онь  
вастозень лангс и мекки кармань  
сывоньдемонза мяльс: „Мезе тиёмс  
мархтонза, сюедемс или аф?“..

Вастозень малас хитрай катокс  
нежедьсь виновниксь и кармась  
андомон марьда:

— Э—эх, и пара марьсь, н!..

— Мон салаф марьда аф яохца!  
—аф весяласта отвецайне теенза.

Сон ашезь аст фкявок иля вал,  
аярдсь эздон и нолдазе няренц.  
Афлама пингень йотазь, терьдине  
мелазон!

— Женька, дай мархтот договор  
тийхтьяма!

— Ся мезе стамсь?—кизефтемань  
сон.

Мон эстокиге сывонь кагод, ка-  
рандаш и кармань сьормадома:

„Социалистический договор“

1. Тьяниень шиста сывомок аф  
таргамс фкявок папироска.

\*) Поладс. Ушедксоц 102—105  
№-эса.

### Лоткафтома ты безобразиять

РЫБКИНО Пингсь летья и ур-  
дазу озимть юронза ляпот, сянка  
сонь лангозонза эряви шарфтомс  
мяль, штоба тьялхть яе синь лан-  
гозост жувататне, но Волгапинань  
колхозса нарошна алашатнень но-  
лясазь озипнень ланкс, конат ка-  
пытаснон мархта озим лисфнень

2. Ульцыва и кудса аф кройсемс.  
3. Костонга мезевок аф салсемс“..

— Кульсак, Женька?—кармань  
теенза лувомас сьормадф пункт-  
тнень эса.

Колмоце пунктть лувомста сон  
монь кизефтемань:

— Тон тэжа салсеть марьхть?

Ответонь вастс мон кармань лу-  
вомост договороньконь иляды пун-  
ктонзон:

„4. Салай идтьнень азондкш-  
немс кудстонь оцюфненьди.

И кда аф лоткайхть салсемда,  
то максемс милиция.

— А тон монь азондсамак дядя  
Назарты идьа Лешати?—пелиень  
вайгальса кизефтемань Женькась.

— А тон кода думандат, эряват  
азондомс или аф?—кизефтинь  
соньценъ.

— Тямак азонда, дядя, мон оду  
тяфта аф тиян.

— Ну, лад, кулхондк догово-  
роньконь сядя тов:

„5. Кянь мархтонга аф тюренъ-  
демс.

6. Аньцек школатнэ кармайхть  
работамас,—кафтскеньди тумс то-  
нафнемас“.

— На, сьормадк кядьсенъ дого-  
ворть алу!—венептинь теенза до-  
говорть и карандашть.

— А мезеньди эряви сьормадомс?  
—кизефтемань.

— А вон мезеньди, штоба эсь  
сьормадфтсень мархта азомс: кче  
тя договорть аф кармай эряфс  
йотафтомонза, ся аф советской  
ломань, а жулик, банцит!.. А кие  
эряфс кармай йотафтомонза, ся  
советской, честнай ломань, шарь-  
хкодить?

— Шарьхкодине!—отвецазь Жень-  
кась,—Валай ингели тоньць сьор-  
мадк!

Сявине договорть и алонза сьор-  
мадонь:

„Дядя“..

Эстокиге монь сьормадфзень  
мельгь сонга сьормадозе эсь лемонц  
„Женька“..

Омбсе шинь шовдава Назар  
Максимовичсь и Ксения Петров-  
нась тусьть Москву. Крюкофнень  
пали илядоме Женькать мархта  
кафонец.

Васть обедама йоткова Лешкать  
тяряц кизефтезе Женькать:

— Пара лемсь, цьоранай?

— Пяк пара, бабай, мон вдь  
тяфтама лямде колмоце ни кизось  
ашень ярьхсе.

— И нинге аф кармат колма кизот  
тяфтама лямде ярьхсемя, кда аф  
кармат тонафнемас. Цебярьста ярь-  
хсхть, Женька, сят кит тонаф-  
нелхть и кит кельгсазь честнайста  
работамаснон!—лшкядень мон.

— Женькась обязательна кар-  
май тонафнемас!—ювадьсь Лешкась.

— И монга калман тонафнемас!  
—колма кизоса Марьянське шо-  
ворьсь корхтамазнок.

— А мон пионеркс сьоматфтан!  
—ювадьсь Колькась.

Илять Женькать мархта якаме  
кинов. Сонь пяк тусь мялезонза  
картинась — „Победители ночи“.  
А кинода меле, минь мадомознок  
мон кизефнень эсонза, кода сон  
эрясь детдомса, кодама эрясь и  
мес вэрьгодькшнелх тоста.

(Пец моли).

Я. ВЕ.



## РККА-в призывть карша Наркомземса призывник нень вечерсна

Колак аныцек ульсь пятацлаф военкоматть приказоц 1913 це кизоня шачфнень Якстерь армияв призывснон колга, Наркомземонь служащаень коллективсь пуроптсь вечер, конац ульсь посвященный призывникненьди.

Сотрудниконь марстонь пуромксса призывникне: Сгоняйко, Филиппин, Слещилин и Нестеров ялгатне азондозь эсь автобиографияснон. Администрациясь и месткомсь азондозь эрь призывникть служебнай и общественной работанц.

Марстонь пуромксь арьсесь стане, што призывникне вполне яраштыть (заслуживают) улемс Якстерь армиянь рядтнень эса.

Тяда меле азонць воспоминания гражданскай войнаны участникне—Матвеев ялгась—ингольденъ якстерь партизан, Макиевская и Морев ялгатне. Синь азонць интереснай боевой эпизодт и тийсь наказ призывникненьди, штоба синь сьвольхть кепотькс гражданскай войнаны геройхнень эзда, нинге сьада цебарьста тонафнемс и содамс военной техникать.

Пуромкста меле призывникненьди, инжихненьди и Наркомземонь сотрудникненьди ульсь организовада товарищескай чай, а сьада меле ульсь танцт.

(М. Т.)

А. Карасев

## УЛЬХТЬ АНОК

Ою тонь, Альнякай, тевце—  
Сон аф эряви юкстамс.  
Тонь—  
„Кемголмуце кизось“—лемце,  
Армияв эряви самс.  
Сяконь ватт-кеподи вармась,—  
Кармай тевонь шьоряма..  
Буржуйхне тюремня ни кармась,  
Кармась бомбань йоряма.  
Граница кармат ареляма,  
(Сельмоцень лаца сонь ванк!)  
Кла эздодост синь пяк лама,  
Ялгацень лездома иватк.  
Лездома курок мон молян,  
Мзярда, альнякай, сизят  
А кла кафцьке минь сизетяма—  
Минь востознок молихть лият.

## Кафта техникумонь вечер

Сентябрь 17-це шистонза Педтехникумть и Муздрамтехникумть ульсь марстонь вечерсна.

Вечерда инголе Педтехникумонь директорсь Моисеев ялгась тийсь доклад СССР нь Народнай комиссаронь Советть и ВКП(б) нь ЦК ть путфкснон коряс, учебнай работать организовадаманц и начальнай аф полной средняй и средняй школатнень эса внутренняй распорядокть колга.

Студентне кулхонць оцю мяль мархта.

Мекяли Моисеев ялгась азозе, што тядденъ кизоть эряви тонафнемс аныцек отлично и хорошо отметка мархта.

Докладта меле уставась художественная часть. Васенда кигя уставась постановка мокшень кяльса, конань путозь Педтехникумонь 3-це курсонь студентне.

Постановкада меле Педтехникумонь студенткясь Антоновась гармониять коряс морась частушкат, муздрамтехникумонь студентня азонць дикломацият, морась морхт и стак тов

Тяда меле кармась танцовандама и налксемс марстонь играт

Студентне вечерть колга иляцть пара мельса.

А. ДУЙКОВ.

## Ворхнень общественность ингели!

Партиясь и правительствась кяжиста вятсь и вятихть тюрема ворхнень и мошенникнень каршес, сятнень каршес, конат атак работак, мошенниккокс эрязь йорайхть козякадомда конат юмафтозь иляды совестьснон и салсесаць трудяйхнень ливозьса добуваф трюшникснон.

Мек пядьденъ пингть минь редакциянок сидеста кармась сашендома материалхт сянь колга што Саранск ошень лама торговай организациява ащихть башка паразитт, конат атак лотксек тиеньдихть обвешиваният и обмериваният потребительхненьди.

А сяс и сентябрь ковть 20-це шистонза ульсь йотафть специальнай рейд кой-кона торговай организациятнень ланга. Рейдть эса ульсь редакциянь сотрудникт и сотрудник МАРССР-нь Наркомвнуторгста—Сайгаев ялгась.

Рейдть васеньце шинь работастонза неяви, што потребительхнень эзда редакцияв сашенды материалхне видет. Вов фактт, конат корхтайхть эсь инкост:

1. Прохладительнай напитокань мишеньдема 1-це № ларекса („жигули“) заведующайкс работай Цыгановась и буфетчицакс работай Казначеевась. Ня кафтске нармонтнень инголест повфатф прохладительнай напитокаса торговамань правилат, конат кемокстафт СССР-нь Наркомвнуторгт мархта и конат теест ащихть основной законкс торговама йоткть.

Алак ват аф правилатнень лангс, што аф лареконь жалобнай книгаса улихть жалобат потребителхнень обмериванияснон колга, сякокс рейдсь лихтьсь стама факт, што Казначеевась пивань кружкатнень, конатнень размерсна 0,45 литра, аф пшккодкшнесыне на 0,04. лиякс азомс эрь литрать эзда сон салси 90-100 граммат.

Математикась тьса простой: кла боцькаса 200 литрат, то сон синь эздост салай 19-20 литрат, а эрь литрать питнец 1 ц. 60 тр. И лисеньди: кла шити мий фкя боцьця пива, то зепозонза иляды салаф ярмакта 30-32 цалковайхть, а а кла кафта боцькат, то 60-64 цалковайхть. А мзяра сон салай трудяень трюшникта ковти?

Прохладительнай напитокань мишеньдема ларекнень эса мошенничество лувондсаць законкс. Казначеевась корхтай: „монь улихть идьне и кла карман кайсесомост кружкатнень правилатнень коряс, то аф трявихть идьне“... Казначеевась лаца лисеньди стая: кинь улихть идьна и работай торговай организациясь, ся обязательна должен улемс аф честней мошенник и вор. Но катк кармай содамонза преподобнай Казначеевась, што советскай торговай организациятнень эса работайхть лама сядот тьожатть идь мархта трудяйхть и идьснон тьрасаць честнайста добуваф ярмак лангс. И ся честнай трудяйхне лувондсаць позороньди и оскорбленияньди эсь идьсненьды салаф ярмак лангс идьне тьрмать.

2-це № ларекса („жигули“) (заведующайкс работай Портновсь), буфетч. Пась Котельниковась сяка же размеронь кружкатненьди (0,45) аф кейси 0,04 лигта—нажи-

вась стама жа, кода и 1-це № ларекса. Сьада башка 2-це № ларекса мишеньдемань правилатка аш. И жалобнай книгасост улихть ни обмеронь колга жалобат.

3-це № ларекса („жигули“) заведующайсь—Харчевниковась сьада „честнай“ илядыхнень коряс; сон эрь кружкать аф пшккодкшнесы аныцек 35 граммас, сон эрь боцька пиваста салси кемоньшка литрат—15—16 цалковаень питне или: 450—500 цалковаень питне ковти (кла тифень боцька мишеньди шити). 3-це № ларекса аш мишеньдемань правилат, аш контральной кружка. Ларекса антисанитария.

Но сянка 4-це № ларекса („жигули“) торговайсь—Зимниковась аськолдась 3-це № ларекть вельф, сон эрь кружкати аф кейси 50 граммт, а эрь литраста салай 120 граммат или: 200 литрань боцькаста салай 24 литрат—38 цалковаень питне. Тя ларекса стая жа мишеньдемань правилат аш.

Рейдти ашезь сафт лихтемс лангги—ули или аш салайхнень йоткса „саламань соревнования“, (кие сьада машты салама), но мезе бди сякокс синь эсь йотковасть вятихть—аф стак жа 5-це № ларекса („жигули“) торговайсь—Зотовась сьавозе рекордть. Сон тонадсь стая салама, што эрь литрати аф кейси 0,16 или: эрь боцькаста салай—23—24—литрат! (36—38 целковайхть).

Тя рекордонь сьавись—крысась сире, сон азф ларекса работай ветеце ковсь ни. Илядишни аныцек дивондамс мес тя пингс атак кярхт сонь пулоц?

Рейдса работайхненьди стая жа аф шарьккодестаста илядсь—кие кинь эзда тонадсь салама—ларекне пивнойхнень эзда или пивнойхне ларекнень эзда? 4-це № пивнойть („жигули“) варжамстонза, Карташевась и Галушкинать работамаснон пингста лихтьф, што тя „голубой залса“ грабайхть аф ларекта кальдявста. Тьса эрь кружкати аф кайсихть—50 граммт, (а эрь литрати—120). Тьстонь боцькатне сьада оцюфт—236 литрат и пивать мишеньдесась 2 цалковайхть литрать. Ков так шарафта, а лиси: эрь боцькять эзда салайхть 28 литрат—56 целковайхть. Тьса потребительда эряй сьада лама—синь эрь шити мишеньдихть 2—3 боцька.

Вов настоящей нажива! Виде или аф, но Саранскайсь акай стама корхнема, што фкя бухгалтер думандась козякадомда, йордазе бухгалтерскай работанц и орась пивань мишеньдема—„пивань шовсь. корхтай, вельф доходнай тевсь! Пивань шовть эса—бухгалтерсь корхтай—эрафонь сембе псэзиясь“...

Выводсь тьада меле фкя: штоба ворхне саламать эса афольхть няй поэзия, а шарьккодестазь ба: што тя вельф оцю государственнай преступлениа, мезенкса советскай революционной закотне кяжиста судендайхть, вьаре азондф ворхне эрявихть повфтамс судебнай ответственностьсь, штоба илядихненьди ульельба наука.

Рейдонь бригадась эзда—

Перемелкин

## Сиволень заданиясь атак пшккодть

Рыбкинаны вельсоветса тя пинкс пьак кальдявста ащи сиволень заданиять пшккодемац. 262 центнерхт заданиять эзда сентябрь 19-це шинц самс пшккодф аныцек 108 центнерхт.

Вельсоветти эряви люпштамс тя работань лятф участкати ланкс. П.

Главдлит № 1488.

Заказ № 2797.

Тираж 1840.

г, Саранск типография „Красный Октябрь“ Мордгива

## Насы муз-драмтехникумонь студентнень культурнай уровеньсна

Муздрамтехникумса кепотьф тюрема культурнай помещениакса, вежливой отношениянкса и студентнень культурнай вежливостьснон инкса. Тя вишкотьф сьс, мес тьянь вешсы социалистическай реализмань искусствась, тьянь вешсаць трудяй массатне.

Техникумонь дирекциясь марса педогокнень мархта кемоста ваныхть студентнень меле и тонафнесазь синь культурати и дисциплинати.

Техникумонь директорсь Котков ялгась шинек-венек аф тушенды общежитияста, сон эсь пинькстонза ладьцесыне студентнень сембе аф шарьккодестаста кизефкснон.

Зайчиков ялгась, техникумть учебнай частенц заведующаец, тя культурировать инкса васеньце борецсь, сон эрь шиня ваны студентнень меле синь внешней культурностьснон меле, Зайчиков ялгась мзярдонга аф йотай студентнень вайска стак, штоба аф корхтамс синь мархтост культурань колга.

Тьянь вельде дирекциясь оцюста кепоцыне эсь авторитетонц студентнень инголе и оцюста кассь студентнень синьценъ культурностьсна

ХОРИТОНОВ.

## Комсомолецень ли тя поступ- кась?

РЫБКИНО. Рыбкинаны вельсоветса башка эряень секторсь ашесь юкстафта, конань сьонедась сьоронь аноклама планць башка эряень сектора пшккодф сентябрь 18-це шинцты аныцек 27 процентс.

Мзярда ВКП(б) нь райкомть ширде максфоль соответствующай указание, то сембе активсь кярмодсь башка эряйхнень йоткса сьоронь максомы обязательстватнень пшккодemasнонды, но нят бригадатнень эса ульсь „активист“, конат ладьсезь пилькснон сьоронь анокламать каршес.

Комсомолецть МОРОЗОВТЬ кудс ульсь кадфт 5 пудт сура, конатнень башка эряйхне пуроптозь сянь инкса, штоба ильхтемс пункту фкя алашаса.

Комсомолец Морозов Димитрись мярьгсь тядяцты, штоба явольхень меки.

Тевсь ульсь тийф, Морозовть тядя сьоротнень явозень башка эряйхненьди—сяс, мес Морозовсь синь пьалост няренц ваденць сяпися.

РЕЯ.

## Сентябрь 24 шистонза

Саранск. МАРССР-нь ВСФК-сь шить йотафты кольцевой воензированной эстафета, конац уш казфь очередной РККА нь призывти, кося примайхть участие сембе Саранскаень физкультурнай коллективне и кружокне.

Кона командась занясы 1-це вастть эстафетаса сьанди ули максфприс.

1-це частца кармай улеме футбольнай матч васенда Рузаевканьды Саранскаень „Динамань“ командатнень йоткса, тьада меле Рузаевкань командась и военведонь командась.

Илять садса кармайхть улеме физкультурнай выступлениа: партернай, гимнастическай упражнениа палы булов мархта.

Шапаряков.

Отет. редакторсь Ф. С. РУСЬКИН